

## Njan aagbanj ki Pɔɔl ηmee ki tii TIMOTI na

<sup>1</sup> Min Pɔɔl ye Yesu Kristo aakpambal la; ba pu? Uwumbɔr u gaal timi lir na, ni Tidindaan Yesu Kristo u tii timi limakl na, bima le len ke m li ye waakpambal.

<sup>2</sup> M ηmee kigbanj kee m tii si Timoti, u ye maabo bamɔnn Uwumbɔr aasan ni na la. Tite Uwumbɔr ni Tidindaan Yesu Kristo ηa tinyoor ηa aa pu, ki san si kinimbaak, ki tii si nsuudoon.

### *Tinyamɔnbɔr aasurm*

<sup>3</sup> Maah nan cha Masedonia aatiη ni na, m nan bui si ke aa li beenin bi Efesus aatiη ni; ba pu? binib bibaa bi nima ki mɔk binib mmɔkm mu kaa ye Yesu aamɔkm na. Aa sur bi ke bi taa ki mɔk kina,

<sup>4</sup> ki taa ki joo ηiyimbil ηi bi Uwumbɔr Aagbanj ni na tiini itiin baah nan ηani pu na. Nimina le cha binib baa mbaan. Naa ter bi ke bi gaa Yesu ki kii aan ki dii waasan mbamɔm.

<sup>5</sup> M tuk si ke aa sur bi kina; ba pu? m ban ke Yesu aanib aasui li bi chain, ki ban ke bi bee bisui ni ke titunwanbir aa bi bi chee, ki gaa Yesu ki kii mbamɔm, ki li gee tɔb.

<sup>6</sup> Binib bibaa bi, kaa ki dii kina. Bi yenn la, ki gbaa tɔb chee tibɔr ti ye fam na.

<sup>7</sup> Bi ban bi li ye bimɔmɔkb bi mɔk binib Uwumbɔr aakaal na, ki mu aa bee baah len pu na aatataa, ki len tibɔr ke binib bi nyi taatataa na, ki mu aa nyi.

<sup>8</sup> Tɔ, ti nyi ke unii yaa joo Uwumbɔr aakaal, uma Uwumbɔr aah ban pu na kan, nkaal ngbaan ɲan la.

<sup>9</sup> Ti yaa nyi ke nkaal aa bi bininyaam pu kan, nkaal ngbaan ɲan la. Mu bi tiniwanbir le pu, ni binib bi kaa gee bi ɲun tibɔr na, ni binib bi kaa dii Uwumbɔr aasan na, ni titunwanbirdam, ni binib bi yii Uwumbɔr kaa pak u na, ni binib bi ku bitetiib ni binatiib na, ni binib bi ku biken na,

<sup>10</sup> ni binib bi gɔr kidagook na, ni bijab bi yii bipiib ki ban bijab na, ni binib bi chur biken tinaagbiir na, ni binib bi chuun mɔni inyamɔn na, ni binib bi puur Uwumbɔr yɔl yɔl na, ni binib bi ɲani tiwan ni kaa dii mmɔkm mu ɲan na. Nkaal ngbaan bi titunwanbir timina mɔmɔk pu la.

<sup>11</sup> Uwumbɔr aabɔnyaan len kina la, ki tuk timi Uwumbɔr u ti pak u na aah ɲan sakpen pu na. Uma le di tibɔnyaan tee ɲa ɲɲaal ni, ke m di tuk binib.

*Uwumbɔr aah san Pɔɔl kinimbaak pu na*

<sup>12</sup> M dooni Tidindaan Yesu Kristo u tii mi mpɔɔn ke m tun lituln ngbaan na la. U len ke m ye mbamɔndaan, ki lee mi ke m tun waatuln.

<sup>13</sup> N-yoonn mu jer na, m nan len tibɔbir u pu, ki seei u, ki ɲa waanib falaa. Maah kaa nan gaa u ki kii n-yoonn ngbaan na, le maa nan nyi ke m ɲani ni kaa ɲan na. Maah kaa nan nyi na, le Uwumbɔr san mi kinimbaak,

<sup>14</sup> le Tidindaan Yesu Kristo mu gee mi sakpen, ki cha m gaa u ki kii, ki kpaan u ni, ki gee u ni waanib mɔmɔk.

<sup>15</sup> Yesu Kristo nan dan dulnyaa wee ni ke u nan nyan titunwanbirdam baatunwanbir ni la. Tibɔr timina gbii la. Ni ɲan ke binib mɔmɔk gaa ti ki kii. Min le ye titunwanbirdaan ki jer binib mɔmɔk.

16 Le Uwumbər san mi kinimbaak. Yesu Kristo ƚa suklaa, min u ye titunwanbirdaan ki jer binib məmək na pu sakpen la. Waah ƚa mi suklaa pu na, nima le mək binib bi ga gaa u ki kii ki kan liməfal li kaa kpa ndoon na, waah kpa suklaa pu na.

17 Cha ti pak Uwumbər, ki nyuŋ u. Uma le ye Uwumbər baan; tinimbil aa waa u; u ye Ubərƚpaan u ga li bi n-yoonn mu kaa kpa ndoon na, kaan kpo. Amii.

18 Maabo Timoti, Uwumbər Aafuur Nyaan nan cha m len tibər aa pu, nima le cha m tuk si saah ga tun Uwumbər aatuln pu na. Cha Nfuur Nyaan aabər ngbaan tii si mpəən ke aa yii kinimbəŋ,

19 ki tii Yesu naadii mbaməm, ki taa di cha, ki li ƚani tiwan ni aa bee ke ni tok na. Binib bibaa bi, ki nyi ni ƚan na, ki mu aa ƚani kina. Nima le baa ki dii Yesu aasan.

20 Bi ponn ni binib bilee ye Haimeneus ni Aleksanda. Le m di bi ƚa kinimbəŋ aanaal ni ke ki daa bitafal, aan bi bee ke naa ƚan bi ki sii Uwumbər.

## 2

### *Naah ga li dooni Uwumbər pu na*

1 Tə, tibər ti ye tibəkpaan na le ye ke m ban ke ni li mee Uwumbər ki tii binib məmək, ki li gaŋni u ke u san bi kinimbaak, ki li dooni u bi pu.

2 Ni li mee Uwumbər kina ki tii bibərb, ni kitiŋ aayidam məmək, aan ti li bi tibaa pu, ki li kpa nsuudoon, ki li dii Uwumbər aasan, ki li ƚani tiwan məmək mbaməm.

3 Ni yaa mee Uwumbər kina kan, ni ƚan, ki piir Uwumbər u gaal timi lir na aasui.

<sup>4</sup> U ban ke binib məmək ηmar, aan ki bee waabər ti ye mbamən na.

<sup>5</sup> Ba pu? Uwumbər ye Uwumbər baan la. Uchandatuln ubaa baanja le bi Uwumbər ni binib aakaasisik ni. Uma le ye Yesu Kristo u nan kpaln unibən,

<sup>6</sup> ki sil binib məmək aasisiiaan ki kpo, ke u gaa bi lii na. Naah nan ηeer buyoonn na le Uwumbər mək timi tibənyaan ngbaan.

<sup>7</sup> Nima pu le Uwumbər lee mi ke m li ye Yesu aakpambal, ke m tuk binib bi kaa ye Juu yaab na Yesu aabər ngbaan, ke bi gaa u ki kii, ki bee waabər ti ye mbamən na. Maa mən nnyamən, maah len pu na gbii la.

<sup>8</sup> M ban ke bijab bi bi ηipepel məmək na mee Uwumbər, ki yoor ijaal paacham. Bi li ye binib bi bi chain na, ki taa li kpa liηuul, ki taa li kpa kinikpapak.

<sup>9</sup> M ban ke bipiib li pee tiwanpeenkaan ni ηeer bipiib bi dii Uwumbər na, ki li bi suuna, ki taa li kpa kalmbaani, ki taa fiini tiyikpir sakpen siini, ki taa tuun ηitafajən ηi kpa kidaak na, ki taa gbin nleen mu kpa kidaak na, ki taa li peeni tiwanpeenkaan ni kpa kidaak na.

<sup>10</sup> Bi li tun litunyaan. Nima le ηan tii bipiib bi len ke bi dii Uwumbər aasan na.

<sup>11</sup> Bi li ηmin ki li bae Uwumbər aabər ki li ηun tibər.

<sup>12</sup> Maa kii ke bipiib tuk bijab Uwumbər aabər, kaa kii ke bi li ye bijab aayidam. Bi li ηmin.

<sup>13</sup> Ba pu? Uwumbər nan puen naan tiyaaja Adam, le ki nin naan upuu Iif.

<sup>14</sup> Kinimbəη aa nan ηmann Adam, ki nan ηmann upii ngbaan la, le u tun titunwanbir.

<sup>15</sup> Tɔ, bipiib mu yaa gaa Yesu ki kii, ki gee binib, ki bi chain, ki bi suuna kan, bi ga ηmar imalween ni.

### 3

#### *Bisalolm aabɔr*

<sup>1</sup> Tibɔr tee gbii la, ke unii yaa ban u li ye Yesu aanib aaninkpel kan, ni ηan; ba pu? li ye lituln li ηan na la.

<sup>2</sup> Ni ηan ke Yesu aanib aaninkpel taa li kpa taani ubaa. Ni ηan u li joo upiibaab, ki li chur ubaa tiwan mɔmɔk ni, ki li kpa laasaab, ki li bi mbamɔm, ki li channi bicham tichann, ki li ye unii u ga ηmaa tuk binib Uwumbɔr aabɔr mbamɔm na.

<sup>3</sup> U taa li ye udagbiir, ki taa gbaa binib [ki taa li kpa iniman]. U li bi suuna ki taa li kpa kinikpak-pak. Unimbil taa li man ηimombil pu.

<sup>4</sup> Ni ηan ke u li joo waachiln ni aanib mbamɔm, ki li joo waabim mbamɔm, aan bi li pak u ki kii waamɔb.

<sup>5</sup> Ba pu? unii yaa kaa ηmaa joo waachiln ni aanib mbamɔm kan, u ga ηa kinye ki li joo Yesu aanib?

<sup>6</sup> U taa li ye unii u kaa yunn Uwumbɔr aasan ni na. U yaa ye unii u kaa yunn Uwumbɔr aasan ni na kan, nibaakan, u ga li kpa kigaak, ki kan ntafadaan ke kinimbɔɲ na.

<sup>7</sup> Ni ηan ke Yesu aanib aaninkpel li ye unii u kpa kipak binib bi kaa dii Yesu aasan na chee, aan binib taa galn u ki cha u lir kinimbɔɲ aagaawɔb ni.

#### *Biteterb aabɔr*

<sup>8</sup> Tɔ, ki joo cha Yesu aanib aateterb wɔb na, ni ηan ke bi mu li kpa laasaab. Bi taa len fam fam.

Bi li ηani baah len pu na. Bi taa li ye bidagbiib. Binimbil taa li man ηimombil pu.

<sup>9</sup> Ni ηan ke bi li joo tibəbərkaan ti kpiir, ki ye Yesu aabər na, ki li nyi mbimbin mu ηan na, ki li ηani kina.

<sup>10</sup> Binib yaa ban bi li ye biteterb kan, cha Yesu aanib aaninkpiib puen lik baabimbin aah bi pu na waahr, bi yaa kaa kpa taani kan, cha bi li tun biteterb aatuln.

<sup>11</sup> Ni ηan ke bipuutiib mu li kpa laasaab, ki li chur bibaa, ki li ηani tiwan məmək mbaməm, ki taa li ye binibiinib.

<sup>12</sup> Ni ηan ke Yesu aanib aateterb li joo upii ubaabaa, ki li joo baabim ni baachiln ni aanib mbaməm.

<sup>13</sup> Binib bi tun biteterb aatuln ngbaan mbaməm na ga kan liyimbil, ki li kpa lipobil sakpen ki tuk binib baah ga gaa Yesu Kristo ki kii pu na.

### *Tibəbərkaan kpaan*

<sup>14</sup> Tə, m kpa limakl ke naan yunn, m ga dan aa chee. Le maah ηmee kigban kee tii ni si na,

<sup>15</sup> m yaa yunn kan, aa ga bee mbimbin mu ηan tii Uwumbər Aadichal ni aanib, bi ye Uwumbər u ye liməfadaan na aanib na. Waabər ti ye mbamən na bi biηaal ni la, le bi joo ti.

<sup>16</sup> Uwumbər aah kpiir waasan aabər ti tuk timi na, ti ye tibəkpaan la:

U nan yoor unibən aawon, ki nyan ubaa mpaan pu.

Uwumbər Aafuur Nyaan le mək ke u ηan.

Uwumbər aatuuntiib waa u.

Binib moon waabər ki tuk ηitimbol aanib,

le binib gaa u ki kii dulnyaa wee məmək ni.

Uwumbər nan yoor u ki di buen paacham, ki nyun u.

## 4

### *Biməmək b bi ye binyaməndam na*

<sup>1</sup> Tə, Uwumbər Aafuur Nyaan len mpaan pu, ke n-yoonn mu choo na binib bibaa ga yii Yesu aabər, ki kii inyamən, ki dii bipənib bi ηmanni bi na.

<sup>2</sup> Bipənib ngbaan ga cha binib bibaa ηmann ke bi mək binib Uwumbər aasan. Bi ye binyaməndam la. Baalandak aa ki muk bi baatunwanbir pu.

<sup>3</sup> Bi ga len ke bijab taa din bipiib, bipiib mu taa mən bijab. Bi ga li kə tijikaar tibaa. Uwumbər le naan tijikaar ngbaan. U ban ke binib bi gaa u ki kii ki nyi mbamən na le ji ti, ki doon u ti pu.

<sup>4</sup> Tiwan nimək Uwumbər naan ni na, ni ηan la. Ti taa li kə tijikaar tibaa. Ti li ji ti, ki li dooni u ti pu.

<sup>5</sup> Ba pu? taah ji tijikaar ti ki dooni Uwumbər ti pu na, nibaa aa bi ti ni; ba pu? Uwumbər len ke ti ηan.

### *Yesu Kristo aatutunn bamənn*

<sup>6</sup> Aa yaa teer Yesu aanib tibər timina kan, aa ye Yesu Kristo aatutunn bamənn la. Saah bae Yesu aabər ki dii nsanyaan pu na, nima le cha saabimbin bi mbaməm.

<sup>7</sup> Aa taa gar binyaməndam ngbaan aatiin; ba pu? itiin ngbaan aa kpa tinyoor ki tii si, kaa mək si Uwumbər aasan. Chuu aabaa ki bae Uwumbər aabər.

<sup>8</sup> Unii yaa san ke uwon yabr kan, ni kpa tinyoor siib la. Unii yaa chuu ubaa ki bae Uwumbər aasan kan, nima le ye tinyoor sakpen ki tii u. Ba

pu? Uwumbər puu tipuur ke nima le ga tii binib limɔfanyaan dandana wee, ni n-yoonn mu choo na.

<sup>9</sup> Tibər tee gbii la. Ni ɲan ke binib mɔmɔk gaa ti.

<sup>10</sup> Nima le ti tun Uwumbər aatuln linimaln; ba pu? ti gaa Uwumbər u ye limɔfadaan ki gaal binib mɔmɔk lir na ki kii la. Uma le gaal binib bimɔk gaa u ki kii na lir.

<sup>11</sup> Mɔk binib tibər tee, ki tuk bi ke bi li ɲani kina.

<sup>12</sup> Taa cha bi lik si fam ke aa ye unachipɔɔn la. Li len iliinyaan, ki li bi mbamɔm, ki li gee binib, ki li tun Uwumbər aatuln mbamɔm, ki li bi chain, aan ki li ye limɔkl ki mɔk binib bi gaa Yesu ki kii na baah ga li dii mbamɔm pu na.

<sup>13</sup> Li karni Uwumbər aabər tii binib, ki mɔk bi taatataa, ki tuk bi baah ga li ɲani pu na. Li ɲani kina linimaln, ki nan saa buyoonn m ga fuu ni na.

<sup>14</sup> Taa suln Uwumbər Aafuur Nyaan aapiin i bi aa ni na, i Uwumbər nan tii si buyoonn waabɔnabtiib nan len, aan Yesu aanib aaninkpiib di biɲaal paan aa pu na.

<sup>15</sup> Maah tuk si pu na, li ɲani kina mbamɔm ki cha aanimbil li man ni pu, aan binib mɔmɔk bee saah dii Yesu aasan mbamɔm pu na.

<sup>16</sup> Li nyi saabimbin aah bi pu na, ki li nyi saah mɔk binib Yesu aabər pu na. Li beenin ɲani maah tuk si pu na. Aa yaa beenin ɲani kina kan, sin aabaa ga ɲmar, le binib bi mu ɲun Yesu aabər aa chee na mu ga ɲmar.

## 5

*Usaloln aah ga li joo Yesu aanib pu na*



<sup>1</sup> Tɔ, taa kae uja u por na. Li sur u ke aate na. Li ɲani bijab bi kaa por na ke aanaabitiib na.

<sup>2</sup> Li ɲani bipiib bi por na ke aana na. Li ɲani bipiib bi kaa por na ke aaninkpatiib na, ki li bi chain bi chee.

<sup>3</sup> Li ter bikpopiib bi sil ye bikpopiib na.

<sup>4</sup> Ukpoppi mu yaa kpa mbim, bee u ti ki kpa yaabitiib le kan, ni ɲan ke bi bae Uwumbɔr aah ban ke bi ter baachiln ni aanib pu na, ki teen binatiib, ni biyaatiib, baah nan kpiin bi pu na; ba pu? nima le piir Uwumbɔr aasui.

<sup>5</sup> Ukpoppi u sil ye ukpopii ki gur ubaa na kpa limakl Uwumbɔr pu la. Le u ga li mee Uwumbɔr ki ganɲi u nwiin pu ni kinyeek.

<sup>6</sup> Ukpoppi u kaa bi mbamɔm na ma kan, u lann limɔfal Uwumbɔr chee ki laa chuun fu.

<sup>7</sup> Tuk Yesu aanib ke bi li ɲani maah len pu na, aan bikpopiib bi bi bikaasisik ni na taa li kpa ngalm.

<sup>8</sup> Unii u kaa ter udo yaab, kaa ter uma ubaa aachiln ni aanib ki jer biken na, u yii Yesu aasan le na, ki ye kiniwanbiik ki jer binib bi kaa gaa Yesu ki kii na.

<sup>9</sup> Ukpoppi yaa kaa fuu ɲibin imonko itaa kan, aa taa ɲmee waayimbiil bikpopiib aagbanɲ ponn ni. Uchal yaa nan ye ujabaan kan,

<sup>10</sup> binib yaa len ke upii ngbaan tun litunyaan: u yaa nan kpiini mbim mbamɔm, ki yaa nan ɲani bicham tichann, ki yaa sunn ubaa taab ki tun lituln tii Yesu aanib, ki yaa nan ter binib bi bi limukl ni na, aan unimbiil yaa man litunyaan mɔmɔk pu kan, aa ɲmee waayimbiil bikpopiib aagbanɲ ponn ni.

<sup>11</sup> Taa ηmee bikpopiib bi kaa por na aayimbil; ba pu? bijab aakpeek yaa chuu bi kan, bi ga di Kristo aatuln lii, ki ban ke bi mən tichal,

<sup>12</sup> kaan gbiin baah puu tipuur ti na. Nima le bi ga li kpa ngalm.

<sup>13</sup> Ki ki kpee na, bi ga li san ligbanyakl, ki ga li chaa ηidichal ηidichal ni. Naa ye ke bi ga li san ligbanyakl baanja la, bi ga li ye bibətukb la, ki ga li koo binib aabər ni, ki ga len naah kaa ba ηan bi len pu na.

<sup>14</sup> M ban ke bikpopiib bi kaa por na mən tichal, ki maa mbim, ki li lik baachiln ni aabər, ki taa tii timi aadim nsan ke bi galn timi.

<sup>15</sup> Ba pu? bikpopiib bibaa yenn, ki dii kinimbəη aasan.

<sup>16</sup> Tə, bikpopiib yaa bi upii u gaa Yesu ki kii na do kan, ni ηan ke u li ter bi, aan ki taa muk Yesu aanib ke bi ter bikpopiib ngbaan. Nima le bi ga ηmaa ter bikpopiib bi kaa kpa do yaab na.

<sup>17</sup> Tə, ni ηan ke Yesu aanib pa baaninkpiib bi joo bi mbaməm na lipal li wiir na. Yesu aanib aaninkpiib bi tun lituln linimaln, ki mooni tibənyaan tee, ki mək binib taatataa na, ni ηan ke bima le aapar li wiir jer biken yaan.

<sup>18</sup> Ba pu? Uwumbər Aagbaη len ke, “Aa yaa joo unaaja poi idi kan, aa taa buu uməb,”\* ki ki len ke, “Ututunn aapar ηeer u la.”† <sup>19</sup> Tə, bi yaa galn Yesu aanib aaninkpel kan, taa gar baah len pu na, see biseeraadam bilee bee bitaa len kina.

<sup>20</sup> Kae binib bi tun titunwanbir na Yesu aanib məmək aanimbil ni, aan bi gur na san ijawaan.

---

\* **5:18** : Lik Ikaal 25.4. † **5:18** : Lik Matiu 10.10; Luk 10.7.

<sup>21</sup> M sur si Uwumbər ni Tidindaan Yesu Kristo ni waatuuntiib bi u nyan bi na aanimbiin ni la, aa li ɲani maah len pu na, ki li joo Yesu aanib mbaməm, ki taa li kpa imaagann.

<sup>22</sup> Unii yaa kaa yunn Uwumbər aasan ni kan, taa nyan u ke u tun Uwumbər aatuln. Taa cha biken aatunwanbir li ye saataani. Cha saabimbin li bi chain.

<sup>23</sup> Saah kaa kpa laafee kpala kpala na, taa ki nyu nnyun baanja, aa nyu ɲisubil aadaan siib, aan ni ter aaponn ni.

<sup>24</sup> Binib bibaa aatunwanbir bi mpaan pu, ki tii bi ntafadaan mala. Bibaa mu aatunwanbir aa kpiir mala.

<sup>25</sup> Kina le litunyaan mu bi lipaal. Li yaa bɔɔ kan, laan li bɔɔ n-yoonn məmək.

## 6

<sup>1</sup> Tɔ, Yesu aanib ponn ni bi ye binaagbiib na, bi məmək li pak bidindatiib mbaməm, aan binib taa bii Uwumbər aayimbil, ni waabər.

<sup>2</sup> Binaagbiib bi kpa dindatiib bi gaa Yesu ki kii na taa lik bidindatiib fam, ke bi ye binaabitiib. Bi li moo tun lituln tii bidindatiib ngbaan ki jer baah ba ga tun pu na; ba pu? dindatiib bi kan tinyoor baatuln ponn ni na ye binib bi gaa Yesu ki kii na la, le bi gee bi.

### *Yesu Kristo aanib aasurm*

Tuk bi ki sur bi ke bi li ɲani kina.

<sup>3</sup> Tidindaan Yesu Kristo aabər le ye tibɔnyaan, ki mək timi taah ga dii Uwumbər aasan mbaməm pu na. Unii ubaa yaa mək bi mməkm yayan kaa kii tibər ngbaan kan,

<sup>4</sup> U ye kalmbaanidaan la, kaa nyi nibaa. U gee ke u kpak kinikpakpak ibəliin aatataa pu. Nima le cha lipiipoln, ni tibər, ni n̄isiibil bi, ki cha binib dak ilandak i kaa n̄an na tɔb pu.

<sup>5</sup> Le binib bi dak ilandakbir na kpak tɔb kinikpakpak. Baa ki nyi mbamən. Bi dak ke Uwumbər aasan ye liwankpal aasan la. [Nya binib ngbaan chee.]

<sup>6</sup> Tɔ, unii aanimbil yaa gbiin waah kpa ni na pu ki yaa dii Uwumbər aasan kan, nima le ye tinyoor sakpen ki tii u.

<sup>7</sup> Taah nan dan dulnyaa wee ni buyoonn na, taa nan joo ni nibaa. Taah ga ki nya dulnyaa wee ni buyoonn na, taan ki n̄maa joo nibaa ki di nya.

<sup>8</sup> Nima pu na, taah kpa tijikaar ni tiwan-  
peenkaan ni na, cha tinimbil gbiin ni.

<sup>9</sup> Binib bi aanimbil man liwankpal pu na ga kan ntəŋ, ki lir. Binimbil ga li man kijərək aawan sakpen le pu. Ni ye fam la, ki ga bii bi. Tiwan ngbaan aaboln le cha binib bee fam ki kan n̄tafadaan mu kaa kpa ndoon na.

<sup>10</sup> Binib yaa gee n̄imombil sakpen kan, nima le cha bi tun titunwanbir mək aabəŋ. Binib bibaa aanimbil aah man n̄imombil pu pu na le cha bi yenn, kaa ki dii Yesu aasan, ki kan mpombiin ki ti chaar jer.

### *Nsurm ki tii Timoti*

<sup>11</sup> Saah ye Uwumbər aanii na, yii titunwanbir timina məmək, ki li dii mbimbinyaan, ki li bi Uwumbər aah ban pu na, ki li tun waatuln mbaməm, ki li kpa ngeehm, ni suklaa, ki li bi suuna.

<sup>12</sup> Saah tii Yesu naadii pu na, ni ḡan ke aa pəən aabaa ki yii lituln limək kaa ḡan na, ki li ḡub liməfal li kaa kpa ndoon na mbaməm. Uwumbər yin si ke aa nan kan liməfal ngbaan, buyoonn aa nan tii seeraa nyaan binib pam aanimbil ni, ki tuk bi saah gaa Uwumbər ki kii pu na.

<sup>13</sup> Yesu Kristo nan tii seeraa nyaan Pontius Pailat aanimbiin ni. Le m sur si, uma Yesu ni Uwumbər u tii tiwan məmək liməfal na aanimbiin ni

<sup>14</sup> ke aa tun Uwumbər aah tii si lituln li na mbaməm, ki li bi chain, ki taa li kpa taani ubaa, ki nan saa Tidindaan Yesu Kristo aah ga gir ni buyoonn na.

<sup>15</sup> Ni yaa nan ḡeer kan, Uwumbər ga cha u gir ni. Uwumbər u ti pak u na, uma baanja le ye tiwan məmək Aayidaan. U ye bibərb məmək Aabər, ki ye dindatiib məmək Aadindaan.

<sup>16</sup> Uma baanja le ye liməfal li kaa kpa ndoon na Aadindaan. U bi nwiihn ni la. Ubaa aan ḡmaa duun mu ni. Ubaa aanimbil aa kee kan u. Ubaa mu aan ḡmaa kan u. Cha binib məmək nyun u, ki kii waaməb n-yoonn mu kaa kpa ndoon na. Amii.

<sup>17</sup> Aa sur binib bi kpa liwankpal dulnyaa wee ni na ke bi taa li kpa kalmbaani, ki taa li kpa limakl liwankpal ngbaan pu. Ba pu? li ye libuln la. Bi li kpa limakl Uwumbər pu. U tii timi sakpen, le taa ti ki nyi ni məmək; u ban ke ti gaa, ki li kpa mpopiin.

<sup>18</sup> Tuk biwankpadam ngbaan ke bi li ter biken, ki li tun litunyaan sakpen, ki li kpa tibulchinn, ki li ban ke bi yakr baawankpal tii biken.

<sup>19</sup> Bi yaa ḡa kina kan, bi ga di liwankpal bil paacham. Ni ga li ye nterm nyaan le ki tii bi n-yoonn mu choo na, le bi ga kan liməfal li ye

libamɔln na.

<sup>20</sup> Timoti, li joo tibɔr ti Uwumbɔr di ɲa aɲaɲal ni na. Binib bibaa len tibɔr yɔl yɔl, ki yii Uwumbɔr aabɔr, ki dak ke bi nyi la, kaa nyi. Yii baah len pu na.

<sup>21</sup> Ba pu? binib bibaa bi, ki len ke bi nyi nnyim, ki mu yenn, kaa ki dii Yesu aasan.

Tɔ, Uwumbɔr ɲa tinyoor ɲa ni pu.

## **Uwumbor aagban Bible without Deuterocanon in Konkomba**

copyright © 2014 Wycliffe Bible Translators, Inc.

Language: Konkomba

Translation by: Wycliffe Bible Translators

Contributor: Wycliffe Bible Translators, Inc.

### **Copyright Information**

© 2014, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

### **The Bible without Deuterocanon**

in Konkomba

**© 2014, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-03-17

---

PDF generated using Haiola and XeLaTeX on 18 Apr 2025 from source files  
dated 29 Jan 2022

c7765cba-ce13-51c8-80b3-68fach5fdf4a